



E-mail bo actividad,
Carnaval@bondia.com

INFORMACION, EVENTO, GRUPO, DISEÑO Y BANDA MUSICAL
LÍNEA DE COMUNICACION 827800
ALEGRIA Y FANTASIA Bo Guia den Carnaval



Dayreen Primera, Reina Infantil di Aruba 2003



Un chikitiñ yen di brio cu ta hiba e number di Dayreen Daniela Maduro a bira e di 28 Reina Infantil di Aruba su Carnaval diabierna ultimo.

Cu nueve aña di edad, e representante di Checkpoint Color a destaca for di su prome aparicion riba escenario. Ta trata aki di un mucha cu a cautiva tur hende cu su sonrisa y baila yen di energia y semper

un sonrisa riba su cara.

No tin duda di e seguridad cu Dayreen tabatin ora di presenta su show, cu sigur, tabata esun mihor di e anochi, aunke mester bisa cu e tabata demasiado comercial pa Alegria & Fantasia su smaak.

Su presentacion tabata impecabel for di presentacion di su speech te na su presentacion oficial. Den am-

bos el a luci diseño di Ryan Maduro kende a sali victorioso ora cu Dayreen a ricibi titulo di Best Costume pa e creacion inspira riba e logo di e establecimiento cu el representa.

Si SAC lo a premio e Mihor Show, esaki probabelmente lo a bai pa Dayreen tambe. E produccion produci y coordina pa Chaz Models bou direccion di Chastity Hodge tabata masha bunita, pero loke mas a resalta di dje tabata e propio actuacion di Dayreen.

Si esaki no tabata suficiente, e prome titulo di Princesita MAS (Mandami Algo Simpel) otorga dor di e compania di telecomunicacion nacional, Setar, tambe a bai pa e chikitiñ aki. Sherp y premio a wordo entrega dor di relacionista publico di e empresa, Susanita Maduro.

A ser anuncia cu e ganadora lo wordo corona dor di Minister di Cultura, Ramon Lee pero a resulta cu Dayreen a wordo corona dor di propietario di e negoshi Expressions, Reina Croes. Pabien na Dayreen, su famia y tambe na Chaz Models kende por bisa, a retene e corona infantil.



Aruba Carnaval

bo tabata sa cu bo por **GANAR UN 30 FT TRAILER!**

AKI

Sorteo februari 2003

L.O. SMITH BOULEVARD

POLAR ICE maltin

yanando un TICKET manera esaki

GANAR UN 30 FT TRAILER

TRECE 6 BLEKI OF BOTER DI POLAR, ICE OF MALTIN POLAR NA TEC INC. ARENDSTRAAT 103. Y RECIBI UN RAFFLE TICKET!

E GANADOR TIN E DERECHO PA USO E TRAILER PA TUR PARADA DEN TEMPORADA DI CARNAVAL 49!

Mikaela y Ichiel ta finalistanan di Reina Infantil

Un distrito y otro negoshi a resulta como finalistanan den e eleccion di Reina Infantil di Aruba su Carnaval number 49. Na prome lugar e Prins & Pancho Infantil di Aruba a hala bin dilanti cu Mikaela Ras, kende ta representante di distrito di San Nicolas pa ricibi su sherp como Di Dos Finalista. Mikaela tabata un di varios candidatnan cu tabatin un presentacion masha simpel y bunita.

Asina expectative a crece y e siguiente popchi cu a wordo anuncia tabata Ichiel Monart. Ichiel a representante Jansen Rent A Car den e eleccion aki y a resalta pa su cara angelical y cachetenan gordo.

Manera ta conoci, SAC ta premia solamente dos finalista y e ganadora cu excepcion di ora e eleccion ta celebra un lustro. E ora ey ta saca cinco finalista y un Reina. Alegria & Fantasia ta felicita no djis Mikaela y Ichiel, pero tambe Lisaygene, Jesley y Quxanne pa nan bunita presentacion di cual cada un ta merece tur elogio.



Mikaela Ras di San Nicolas



Ichiel Monart di Jansen Rent A Car



Jesley Ricci-Payan di Club Trappers/Sta. Cruz



Quxanne Paskel di MC-4



Lisaygene Leañez di Noord

